

INUIT ATAQATIGIIT

INATSISARTUNI



Nuuk, 28. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Naaja Nathanielsen, Inuit Ataqatigiit)

Apeqqut:

Naalakkersuisut uppersarsinnaavaat 33 mio. kr-it, Naalakkersuisut suliffissaaleqinerup akiornissaanut atorniagaat, Naalakkersuisooqatigiit siuliisa nalaanni aningaasaliissutaasut 2013-imullu aningaasanut inatsimmi aalajangersarneqarlutik?

Tunngavilersuut:

“Naalakkersuisut aningaasarsiorneq aallartippaat” qulequtaralugu, Naalakkersuisut 21. maj tusagassiuutitut nalunaaruteqarput suliffissaaleqisunut suliniut nutaaq pillugu. Kisianni ersarinngilaq suliniut Naalakkersuisut nutaat aallartitarinngikkaat, tassaasorli suliniutaasooq sivirusumik pilersaarusiugaq aningaasallu 2012-imili immikkoortinneqartut.

Konto pingaarneq 20.11.52 Suliffissaaleqisut aammalu 15-it 18-illu akornanni ukiullit ilin-nialersimannigisut immikkut ittumik iliuuseqarfigineqarnissaanut inuiaqatigiit aaqqissu-gaanerannut aningaasaliissutit, innersuupara. Kontomi pingaarnermi tassani Naalak-kersuisooqatigiit siuliisa 2013-imut immikkoortippaat 36,5 mio. kr, ukiunilu missin-gersuusiorfiusuni tulliuuttuni pingasuni 30,5 mio. kr aamma 39,2 mio. kr akornanni ukiunut tamanut immikkoortillugit.

Siumoortumik kissaatigissavara apeqqutit tamarmik ullut suliffiit qulit qaangiutsinnagit akineqareernissaat.